

յերից: Իր զեկուցումներից մեկի մեջ Պետրոս դի Սարգիս Գիլանենցը գրում էր Մինաս վարդապետին՝ «Մեր խեղճ ողորմելի Հայոց ազկըն տիր շատ նեղութիւնումն այ: Գոխտան գավառ՝ որ ղզլբաշն այ թալանում և կերպ կերպ փսիւնքանիան բերում գլուխներանին, որ նման չի ամենան խօսկն գրել, քաշկայ թէ ես էլ մեռած լինի՝ որ չի լսէի: Ղափան էլ բի դաստուր որ նեղութիւնումն ան՝ Ղզլբաշն ու օսմանլուն նոցա արընին յետնէն ան... Յավատայ, որ հայքն վարթարաֆ ելավ քանի պատճառիով: Ա. ասում են՝ թէ հայքն թամամ ջառթիլ պիտի, որ էս երկիրն վարթարաֆ արարին. էսպէս որ ըռուստն բերեն կոխեցին Ղզլբաշի երկիրն... Գառան պես մոլորվել ան. չնի թէ գայլն յափըշտակի, վրայ նոցայ՝ դ. կողմն թշնամին բռնել այ»: «Նաբար արեկ թէ Ղզլբաշն գնացել այ Ղափանստան այ մտել: Ղափանայ խայերին որչանք սիլայ, բուսաթ, բարութ, գուլայ որ ելել այ՝ յինք ան առել»¹⁶:

Ոչ միայն Կապանը, այլև Սիսիանը դարձավ մշտական հարձակումների ասպարեզ թե՛ պարսից ու օսմանցոց կանոնավոր զորքերի և թե՛ մոլեռանդ հրոսակների կողմից: Բնակչությունը տուժում էր ոչ միայն այս ավերմունքների հետևանքով, այլև սկսված արտագաղթի պատճառով, որին առանձնապես խրախույս էր լինում ռուսական կառավարությունը՝ կամենալով իր գրաված մերձկասպյան ծովեզրյա շրջանը լցնել հայ արհեստավոր և գյուղացի աշխատավորությունով, ոչ պակաս նաև զինվորական ունակություններ ունեցող հայ տարրերով: Ղարաբաղի, ընդհանրապես և մասնավորապես Կապանի ու Սիսիանի հայությունը ապստամբության շարժումների ժամանակ ապացուցել էր իր բարձր ռազմունակությունը: Այն ըրպեից ի վեր, երբ պարզվեց, որ ռուսական կառավարությունը չի կարող նոր զինված ուժեր փոխադրել նորանվաճ Կասպից երկրները, մանավանդ որ օսմանցոց հետ կապված պայմանագրի համաձայն ռուսական կառավարությունը հրաժարվել էր հայ և վրացի ալքստամբներին օգնելուց, արդեն ինքը Պետրոս Մեծը, իսկ նրա մահից հետո՝ Նկատերինա I-ը ամեն կերպ աշխատում էին այդ կողմերի հայերին գաղթեցնել իրենց գրաված գավառները, շանսալով այդ ծրագրի դեմ մեղիքների կողմից դժվարությունների մասին ներկայացրած առարկություններին¹⁷:

Սիսիանն առանձնապես վնասվում էր Նախիջևանի կողմից ուղղված վրեժխնդիր հարձակումներից¹⁸ և սկսված արտագաղթից: Այդ է պատճառը, որ հաջորդ տասնամյակներում, երբ Փանահ-խանը ամուր նստեց Շուշիում և ամրանալով այդտեղի «Ղալալում» — Ղարաբաղի մելիքների թիկունքում՝ հիմնեց Ղարաբաղի խանությունը, նա մեծ արգելքների չհանդիպեց իր խանության սահմանները Ղարաբաղի լեռնաշղթայից դեպի հարավ ընդարձակելու և իրեն ենթարկելու համար Սիսիանի և Տաթևի՝ Բուն Զանգեզուրի մելիքներին, որոնց

¹⁶ «Կոունկ հայոց աշխարհի», 1866 թ., էջ 207—209: Հմմտ. ՅՅ08 Դ. Ա., նշված աշխ., մաս LXIV: Հովհաննիսյան Աշ., Պետրոս դի Սարգիս Գիլանենց, «Արարատ», 1916, էջ 105—128:

¹⁷ ՅՅ08 Դ. Ա., նշված աշխ., էջ 421:

¹⁸ 1749 թ. Նախիջևանի Հէյդար խանը սպանում է ուրիշ իշխանների հետ նաև Անգեղակոթի Մելիք-Սաղաթին (Մ. Չամչեան, Պատմություն հայոց, հ. Գ, էջ 843), իսկ դրանից մի տարի առաջ Նախիջևանի խանի մարդիկ հասած են եղել մինչև Տեղ գյուղը՝ պահանջելով գինի և այլ սուրբ: Տեղի Մելիք Բարխուդարը, հրաժարվելով այդ պահանջը կատարելուց՝ հարկադրված է եղել զենքով դուրս գալու նրա հրովարտակների դեմ: Ընդհարման մեջ ինքն ու իր եղբայր սպանվում են, երկուսի գլուխները ներկայացնում են խանին: Տե՛ս Ն. Լալայեան, Զանգեզուր, էջ 12: Տապանաբարը մակագրությամբ գտնվում է հնձորեսկի անապատում: Այնուհետև Տեղի-ինչպես և հնձորեսկի, մելիքները զերադասել են մտնել Փանահան խանի թևի տակ: